

2 Yon

Yon belej sopte asaŋ ga kayyiŋ

¹ Be, Yesuyen alya bereyat doyaŋ al parguwak ne gare ge bere salanŋenya dirinŋe wenya Al Kurunŋ belej basaŋa dirtiŋ goke asaŋ gago kaŋ hime. Nebe denya Al Kurunŋen mere fudinde gama irde hityen geb, goke deŋ ge amaŋeŋ nurde hime. Goyenbe ne po moŋ. Al Kurunŋen mere fudinde goyen nurde haŋ mar gore wor tumŋaŋ deŋ ge amaŋeŋ nurd duneŋ haŋ.

² Gobe denya neŋya tumŋaŋ Al Kurunŋen mere fudinde goyen nurde hite irde hugiŋeŋ nurde hitek geb, gogo deŋ ge amaŋeŋ nurde duneŋ hite.

³ Neŋya denya tumŋaŋ meremiŋ fudinde goyen po gama irde kadniniŋ yago niŋ amaŋeŋ nurd yuneŋ hityen. Niŋgeb Adoniniŋ Al Kurunŋya Urmiŋ Yesu Kristuya belej bunineŋ dirde igiŋ igiŋ dirde bininiŋ yisikamke igiŋ hitewoŋ yeŋ gusuŋaŋ yirde hime.

Mere fudinde po gama irde hitek

⁴ Be, dirinŋe yago kura Al Kurunŋ belej gwaha gwaha teŋ hinayiŋ dintiŋ gwahade po mataya mereya fudinde goyen po gama irde kuŋ hanŋen gote mere momoŋ nurdeb amaŋeŋ wor po nurde himyen.

⁵ Niŋgeb, bere salanŋeŋ, neŋbe kadniniŋ ge amaŋeŋ nurd yuneŋ hitek. Ne belej mere gahade kaŋ hime gabe saba gergeŋ niŋ ma kaŋ hime.

Saba gabe neŋ belen haŋkanya Yesu gama irtirinde mat nurde gayenter wor nurde hite goyen goke po ginen hime.

⁶ Irde Al Kurun niŋ fudinde wor po amaneŋ nurd unen hitek belneŋbe yende saba gama irde mata ten hitek gogo. Sabamiŋ haŋkanya nuramiŋ gobe kadtiŋ yago niŋ amaneŋ nurde yunen hinayiŋ yitiŋ go goyen.

⁷ Be, usi mar budam megen gar forok yeŋ tukun haŋ. Go mar goreb, “Yesu Kristube megen gar forok yiriŋ gega, al heŋ ma forok yiriŋ,” yeŋ hanŋen. Saba gwahade tagalde haŋ mar gobe usi mar, irde Yesu Kristuyen asogom.

⁸ Niŋgeb mel gore usi dirnak geb, keŋkela heŋ hinaŋ ko. Gogab Al Kurun niŋ meten ten hanŋen gote murunġembe soŋ ma henayiŋ. Yeŋ belen metentiŋ gote murunġem igiŋ wor po dunyeŋ.

⁹ Al kura Yesu Kristuyen saba go hende yiŋġende dufay bulun manaŋ goya irde al saba yirde hinayiŋ marbe Al Kurunya awalikde ma po hinayiŋ. Munan al kura sabamiŋ fudinde goyen gama irde kun hinayiŋ marbe Al Kurunya Urmiŋya irde tumnaŋ awalikde hinayiŋ.

¹⁰ Niŋgeb al kura Yesuyen saba moŋ saba hoyan ten yatiŋde waŋ saba direŋ tikeb al goyen yatiŋde ma yukunayiŋ. Irde gargar ma po yirnayiŋ.

¹¹ Munan kuratiŋ kura al gwahade goyen gargar iryeŋbe Al Kurun belen yeŋ wor al gote meten bulun go faraŋ urde hi yeŋ kinyeŋ.

¹² Be, nebe mere budam momoŋ dirtek nurde hime gega, asaŋde ma kayeŋ. Gwahade yarab nigeŋ wor wor kun denen gab mere dirmewoŋ

yeŋ nurde hime. Gogab tumŋaŋ amaŋ niŋ pultik wor po yetek.

¹³ Be, babake Al Kurun beŋ werne yeŋ basaŋa irtin gote dirneŋ weŋ gore wor ge niŋ nurde haŋ goyen momoŋ irayin ninaŋ geb, gago momoŋ girde hime. Gogo po.

**Al Kurunyen Mere Igin
The New Testament in the Gwahatike Language of
Papua New Guinea
Nupela Testamen long tok ples Gwahatike long
Nuigini**

copyright © 2000 Wycliffe Bible Translators, Inc.

Language: Gwahatike

Translation by: Wycliffe Bible Translators

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2016-08-10

PDF generated using Haiola and XeLaTeX on 18 Mar 2025 from source files dated 31 Aug 2023

dbba218f-41f3-5f08-b0b6-2a7c919093ab